

**Lescha da sepultura e santieri
digl cumejn da Savognin**

A. Organisaziun, menaschi e survegliaziun

Artetgel 1

*Basa legala e
surveglianza*

- a) Igls fatgs da sepultura sottastattan allas determinaziuns dall'ordinaziun cantunala digls 27 d'otgover 1998 pertutgont igls fatgs da sepultura. La survegliaziun vign exequeida antras ena cumischung consistenta da treis commembers (cumischung da santieri).
- b) La perioda d'uffezi dalla cumischung da santieri corresponda a chella dalla suprastanza communal. Igls commembers dalla cumischung vignan eligias dalla suprastanza communal. Igl manader digl uffezi da construcziun appartigna ex officio alla cumischung cun vusch consultativa. Igls commembers dalla cumischung èn reeligibels.
- c) Instanza da survegliaziun dalla cumischung da santieri è la suprastanza communal.

Artetgel 2

*Incumbensas dalla
cumischung da
santieri*

- a) An cumpetenzza dalla cumischung da santieri croda an spezial igl:
 1. disponer e survegljar igl mantignamaint digl santieri;
 2. conceder lubientschas per monumaints da fossa ed exequeir la survegliaziun dall'erecziun digls monumaints da fossa e dallas reschlas;
 3. far igl plan da santieri ed approvar tal;
 4. far en preventiv pertutgont igl mantignamaint e las investiziuns;
 5. lubeir sepulturas las dumengias e firos (tenor art. 4b);
 6. decider, publitgier ed organisar la rumageda d'ena part digl santieri siva dalla scadenza digl silenzi da bara ordinari.

*Incumbensas digl
uffezi da construcziun*

- b) Agl uffezi da construcziun sottastattan las suandontas incumbensas:
 1. piglier ancunter las annunzgas da sepultura e fixar igl termin da sepultura ansemen cun igls confamigliars ed igls uffezis parochials;

2. ordinar l'execuziun da sepulturas scu p.ex. parager la fossa etc.;
3. manar igl register da sepultura ed igl plan digl santieri;
4. publicgier communicaziuns an connex cugl santieri siva dalla consultaziun cun igl president dalla cumischung da santieri.

*Incumbensas dalla
gruppa da cumegn*

- c) La gruppa da cumegn ò da:
1. parager las fossas tenor ordinaziun digl uffezi da construcziun;
 2. mantigneir e tgirar igl antier areal da santieri cun excepziun dallas fossas, tenor ordinaziun digl president dalla cumischung da santieri;
 3. metter an disposiziun persunal d'ageid tar sepulturas;
 4. exequeir ulteriouras lavours tenor ordinaziun dalla cumischung da santieri.

B. Sepulturas

Artetgel 3

*Annnunztga da
mortoris*

Mintga mortori segl intschess digl cumegn da Savognin stò neir annunztgia immediat agl uffezi da construcziun.

Artetgel 4

Taimp da sepultura

- a) Las funcziuns da bara on li per regla igl sivamezde.
- b) Dumengias e firos èn sepulturas angal pusseblas an cass d'excepziuns spezialas (p. ex. muteivs pulizials da sanidad) cun lubientscha dalla cumischung da santieri.

Artetgel 5

Funcziun da bara

- a) La funcziun da bara per members dallas baselgias cantunalas ò li per regla ainten las baselgias dalla vischnanca.
- b) L'organisaziun dalla funcziun da bara è tgossa digls cumegns-baselgia. Igls contristos sa cattan dall'oura fixada directamaintg tar la baselgia, noua tgi la funcziun da bara ò li. En'otra organisaziun succeda an cunvagnientscha cun igls confamigliars ed igls uffezis parochials resp. igl uffezi da construcziun.

Artetgel 6

Transferimaint

Igl transferimaint da persungas mortas tgi vignan sutaradas a Savognin, è tgossa digls confamigliars, scu er igl transferimaint agl crematori ed igl transferimaint dalla tschendra agl santieri.

Artetgel 7

Dretg da sepultura

Igl dretg da sepultura sen santieri exista:

- a) per abitants digl cumegn da Savognin;
- b) per persungas tgi èn mortas segl territori da cumegn u per persungas tgi èn neidas cattadas scu baras;
- c) per persungas cun domicil extern.

C. Lescha da santieri

Artetgel 8

Fossas

I vign disfrantzgea tranter:

- a) 1. Fossas an retscha per vaschels da mort per carschias
2. Fossas an retscha per vaschels da mort per unfants anfignen 10 onns
3. Fossas an retscha per urnas da tschendra
4. Nischas per urnas
5. Fossa comunabla (angal per urnas da tschendra)

*Numeraziun,
plan e inscripziun*

- b) Mintga fossa survign ena nomra (aint igl register) tenor igl plan da santieri. Mintga fossa stò purtar ena tavla u ena crousch cun l'inscripziun anfignen tgi vign tschanto igl monumaint da fossa.

Artetgel 9

*Repartiziun dallas
fossas*

Las fossas an retscha e las fossas d'urna vignan separadas l'egna da l'otra e succedan an roda.

Artetgel 10

Maseira dalla fossa

Mintga fossa duess aver ena distanza d'aglmanc 50 cm davent dalla proxima, resp. per carschias 1,10 m d'en mez dalla fossa a l'oter, per unfants sot 10 onns 90 cm.

Las fossas on da neir tgavadas an ena profunditad minimala da:

- a) per carschias ed unfants sur 10 onns 1,60 m
- b) per unfants sot 10 onns 1,20 m
- c) per urnas 0,80 m

Artetgel 11

Silenzi da bara

Igl silenzi da bara dallas fossas an retscha e dallas urnas scu er dallas nischas d'urna monta 25 onns. La suprastanza comunala pò decider ena reducziun digl silenzi da bara sen 20 onns, schi las cundiziuns da taragn permettan.

Artetgel 12

Revocaziun dallas fossas

- a) La rumageda d'ena part digl santieri stò neir communitgeida publicamaintg dalla cumischung da santieri aglmanc 3 meis ordavant. Agls confamigliars è chegl da communitgier an scretg, schinavant tgi chels èn ancunaschaints.
- b) Schi igl silenzi da bara per urnas da tschendra tgi èn neidas sutaradas pi tard, n'è betg anc scado igl mument dalla dissoluziun dalla part digl santieri tenor turnus, pon talas neir messas ainten ena fossa d'urna a chint digls survivents.
- c) Tar la revocaziun dallas fossas siva dalla scadenza digl silenzi da bara duessan anc òssa eventuala avant mang ed urnas neir sutaradas scu tgi descha.

Artetgel 13

Occupaziun dallas fossas, reservaziuns

- a) Ainten ena fossa na dastga betg neir sutaro duple tgi ena bara. En'excepziun è admissibla, schi ena pagliolanca morta vign sutarada ansemen cun igl sies unfant novnaschia, mort.
- b) Fossas singulas gio occupadas dastgan neir duvradas er per la sepultura dad urnas da tschendra da confamigliars. I vala pero igl silenzi da bara dall'amprema sepultura.

- c) Reservaziuns per fossas an retscha e fossas d'urna scu er per nischas d'urna èn exclusas.

Artetgel 14

*Constituziun digls
vaschels da mort*

- a) Per las sepulturas ainten tera èn lubias angal vaschels da mort da pegn betg impregnos u d'en oter material tgi sa dissolva levamaintg.
- b) È la bara anzugleida supplementarmaintg cun ena cuverta sintetica, duess la cuverta neir perforada degnamaintg gist avant la sepultura dalla bara per garanteir igl access d'aria giu sen la bara. Vaschels da mort da metal n'èn betg admissibels.

Artetgel 15

Taxas

La fixaziun dallas taxas ainfra las suandontas tariffas surstat alla suprastanza communal.

1. Per defuncts cun igl davos domicil da dretg civil aint igl cumegn durant igls davos diesch onns vignan incassadas nignas taxas.
2. Per defuncts cun igl davos domicil da dretg civil aint igl cumegn, schinavant tgi chel ò cuzzo pi pac tgi diesch onns:
 - a) Fossa an retscha per vaschels da mort per carschias 1`000.- anfignen 2`000.- fr.
 - b) Fossa an retscha per vaschels da mort per unfants anfignen 10 onns 500.- anfignen 1`000.- fr.
 - c) Fossa an retscha per urnas da tschendra 800.- anfignen 1`600.- fr.
 - d) Nischa per urnas 800.- anfignen 1`600.- fr.
 - e) Sagonda urna ainten la pare 400.- anfignen 800.- fr.
 - f) Urna ainten ena fossa existenta 400.- anfignen 800.- fr.
 - g) Fossa comunabla 200.- anfignen 400.- fr.

3. Per defuncts cun domicil ester:
- a) Fossa an retscha per vaschels da mort per carschias
4`000.- anfignen 8`000.- fr.
 - b) Fossa an retscha per vaschels da mort per unfants anfignen 10 onns
2`000.- anfignen 4`000.- fr.
 - c) Fossa an retscha per urnas da tschendra
3`200.- anfignen 6`400.- fr.
 - d) Nischa per urnas
3`200.- anfignen 6`400.- fr.
 - e) Sagonda urna ainten la pare
1`600.- anfignen 3`200.- fr.
 - f) Urna ainten ena fossa existentia
1`600.- anfignen 3`200.- fr.
 - g) Fossa communabla
800.- anfignen 1`600.- fr.

Artetgel 16

- | | |
|---|--|
| <i>Monumaints da fossa e reschlas</i> | a) Agl senn d'ena furmaziun unifitgeida ed armonica èn lubias sen las fossas an retscha angal monumaints da fossa sedretg. |
| <i>Responsabladad da chel tgi fò la fossa</i> | b) Chel tgi metta ve en monumaint da fossa u ena reschla, è responsabel per donns caschunos eventualmaintg cotras. |
| <i>Maseiras per igls monumaints da fossa e las reschlas</i> | c) Monumaints da fossa per fossas singulas dastgan aveir en'otezza maximala da 130 cm ed ena largezza maximala da 60 cm. |
| | Las maseiras externas dallas reschlas montan: |
| | <ul style="list-style-type: none"> • fossas singulas per carschias ed unfants sur 10 onns: 160/60 cm • per unfants sot 10 onns: 85/45 cm • fossas d'urna 100/60 cm |
| <i>Nischas per urnas</i> | d) L'inscripziun dallas tavlas dalla fossa per nischas d'urna è homogena. Igls costs per l'inscripziun on da neir surpiglias digls survivents. Las tavlas dalla fossa per las nischas d'urna vignan messas an disposiziun antras igl cumegn. |

Fossa comunabla e) Igls noms digls defuncts an la fossa comunabla dastgan neir inscretgs sen la tavla dalla fossa comunabla. Las tavlas d'atschal per l'inscripziun on ena maseira dad 8 sen 4 cm e vignan messas a disposiziun ed angravadas antras igl cumegn. L'inscripziun dallas tavlas d'atschal è homogena. Igls costs per l'inscripziun on da neir surpiglias digls survivents.

Artetgel 17

Mantignamaint digls monumaints da fossa a) Igls monumaints da fossa, las reschlas u tavlas commemorativas da qualunque moda sen santieri ston neir mantignias an en bung stadi.

Per monumaints da fossa u tavlas commemorativas betg mantignias suffiziantamaintg ordinescha la cumischung maseiras commensuradas a chint digls survivents, siva d'aveir admunia tals correspondentamaintg. Siva dalla scadenza digl silenzi da bara legal tenor art. 11 pò la cumischung ordinar l'allontanaziun digls monumaints da fossa u dallas tavlas commemorativas.

Ornamaint dallas fossas b) 1. Igls survivents èn obliias da mantigneir las fossas an bung urden e da procurar l'amplantaziun ed igl far se las fossas. Schinavant tgi l'ora lubescha, duess l'amprema amplantaziun succeder anfignen alla fegn da zarcladour.

2. Per fossas an retscha betg mantigneidas u angal insuffiziantamaintg, ordinescha la cumischung maseiras commensuradas a chint digls survivents, schinavant tgi igl silenzi da bara n'è betg anc scado.

3. Plantas, tgi disturban las fossas vaschignas u veias antras lour otezza e dimensiun, vignan tagledas u allontanadas sen cumond dalla cumischung da santieri.

Nischas per urnas c) Davant las nischas per urnas dastgan neir plazzadas flours etc. durant max. 60 deis siva dalla sepultura. Siva da chel termin ston chellas (vaschels da flours etc.) neir allontanadas digls confamigliars responsabels e dismiss.

Fossa comunabla d) La fossa comunabla vign mantigneida digl cumegn.

Artetgel 18

Generalitads per schurmager igl santieri a) Rusments on da neir deponias aint igls containers davant santieri.

b) Igl è scumando da far donn e da tschuffargner las fossas u igls ornamaints dallas fossas, da culeir giu flours e plantas,

far canera u sa depurtar uscheia tgi disturba, scu er dad eir ainten santieri cun tgangs.

Artetgel 19

Responsabladad digl cumegn

Igl cumegn surpeglia nigna responsabladad per donns caschunos ve da fossas e monumaints da fossa antras pussanza surnaturala, decadenza, pressiun da neiv, orcans, schaladas, animals u antras terzas persungas.

D. Determinaziuns finalas

Artetgel 20

Determinaziuns da casteis

Cuntravenziuns a chesta lescha da sepultura e santieri vignan puneidas antras la suprastanza communal cun casteis d'anfignen 1'000.- fr. Ultra da chegl resta resalvada l'execuziun dalla disposiziun a chint digl culpant scu er igl anviamaint agl derscheder penal.

Artetgel 21

Adiever digl lungatg

Denominaziuns da persungas, funcziuns e professiuns ainten chesta lescha sa refereschan a tottas dus schlattagnas, schinavant tgi sa resulta betg ensatge oter digl senn da chesta lescha.


Artetgel 22

Vigour

Chesta lescha da sepultura e santieri ramplazza la lescha correspundenta digls 21 d'avregl 2008. Ella vo an vigour cun l'approvaziun antras la radunanza communal.


Relaschea antras la radunanza communal digls 28 da november 2011.

Igl mastral:



.....
Patric Vincenz

Igl actuar:



.....
Beat Jenal